



Brev dato: 27-09-2022
Sagsnr. 2022 - 6493
Akt. nr. 19531954

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

Inatsisartunut ilaasortaq
Asii Chemnitz Narup
Inuit Ataqaatigiit

Niuernikkut killilersuutit pillugit § 37 naapertorlugu apeqqummut nr. 059-mut akissut

Asasara Asii Chemnitz Narup

Inatsisartut Suleriaasianni § 37, imm. 1 naapertorlugu ulloq 3. marts 2022 Naalakkersuisunut apeqqutinik saqqummiussivutit. Apeqqutit uannut akisassanngortinneqarput.

1. Ruslandimut niuernikkut killilersuineranut tunngatillugu suut akunnattoorfittut Naalakkersuisut nalilerpaat?

Akissut:

Kalaallit Nunaata 2021-mi Ruslandimut aalisakkanik tunisai Kalaallit Nunaata ataatsimut aalisakkanik tunisaasa 13 procentiisa missaanniipput.

Illuatungaatigut aalisakkanik avammut niuerfiit piffissami sivisuumi sanarfineqarsimasut attannissaat soqutigisariaqarparput. Aappaatigulli Ruslandip Ukrainemik saassussinera isiginngitsuusaarsinnaanngilarput. Innuttaasut meeqqat, inuusuttut, arnat angutillu sorsunnermi eqqugaanerlunnerat isiginngitsoorsinnaanngilagut. Piviusoq isigivarput isummertariaqarpugullu. Naalakkersuisut taamaaliorput. Iliuutsit taamaattut Naalakkersuisut sakkortunerpaamik avoqqaaraat. Eqqissisimasumik siunnerfilimmillu suleqatigiinneq naalagaaffiillu inatsisitigut pisussaaffittut tunngavii, ullut tamaasa Issittumi sulissutigisavut, aamma Issittup avataani atuupput. Suliffeqarfinnik nunami aningaasaqarnikkut ingerlatsinerisa russit naqisimannittumik naalakkersuisuinik ikorfartueqataasunik niueqateqarneq ajornakusoorluniluunniit ajornarluinnarpoq.

Taamatut aamma Ruslandimik russillu suliffeqarfiinik niueqateqarnerup nangingeqarneranut pisisartut pitsaanngitsumik qisuariarsinnaanerisa eqqummaariffiginissaa pingaaruteqarpoq, tamannami russit naalakkersuisuisa ingerlataannik tapersersuinertut isigineqarsinnaammat. Nunarsuarmi pisisartut sulianut politikkimut attuumassuteqartunik isummersortarnerat ullumikkut annertuneruvoq, tamannalu tunisassianik aalajangersimasunik tunisassialluunniit meqqiinik aalajangersimasunik pisinikkut pisinnginnikkulluunniit takuttarpaat.

Tamatuma Naalakkersuisut isummerfiginngitsoorsinnaanngisaannik tunngaviusumik ileqqorissaarnikkut apeqqutaanerata saniatigut, suliami matumani kukkusumik inissinneq politikikkut aningaasaqarnikkullu akisoorujussuusinnaasoq Naalakkersuisut isumaqarput. Nunat nunatta sanilerisaat assingusumik isummertut naggasiullugu oqaatigineqassaaq.

2. Naalackersuisut qanoq iliorlutik nunarsuarmi ineriartormik, niuernermillu killilersuutitut tunngatillugu taakku Kalaallit Nunaannut sunniutissaanik malinnaappat?

Akissut:

Ruslandip Ukrainemik saassussinera, tamatumalu kingunerisinnaasai ataatsimiinnertigut, oqaloqatigiinneritigut, allakkiatigut qallunaallu ingerlatsiviiniit nalunaarusiatigut Naalackersuisut malinnaavigaat, tassani danskit Nunanut allanut ministereqarfianit kiisalu nammineq nunani allani sinniisoqarfitsinnit. Taamattaq nunatsinni naalackersuisoqarfitta akornanni qanimut oqaloqatigiinnikkut ataqatigiissaarinikkullu suliaq malinnaavigineqarpoq. Taamatut aamma nutaarsiassatigut, sorsuunnermimi matumani paasisstissat nalinginnaasumik isertuunneqartartut sukkasuumik nutaarsiassaqaqtitsivitsigut saqqummiunneqartarput. Kalaallitaaq soqutigisaqaqatigiiffii aalisarnermillu inuussutissarsiortui attuumassuteqarfii atugaallu pillugit attaveqarfigineqartarput.

3. Ruslandimut taartitut avammut niuerfinnik nassaarniarnissaq pisariaqalissappat, qanoq ilillutik Naalackersuisut piffissaatillugu isumatusaalersaarpat?

Akissut:

Nunatsinni suliffeqarfiit avammut niuertut nutaanik avammut tunitsivissaannik inerisaaneq Naalackersuisut suliassarinnigilaat. Kalaallit aalisakkanik Ruslandimut avammut niuernerat matuneqarpat, avammut niuerfinnik nutaanik ineriartortitsinissaq suliffeqarfiit avammut niuertut suliassaraat.

Naalackersuisut aallarniutaasumik soqutiginnilersitsiniarluni ineriartortitsinnaanissamullu tapertaasinnaapput, taamatullu aamma kalaallit nioqutissiaanik nittarsaassinermut suleqataassallutillu nunat tamalaat akornanni niuernikkut sinaakkutinik pitsaanerusunik isumaqatiginninniarnernut il.il. ikiuutissallutik.

Naalackersuisut maannakkut Tuluit Nunaannik killilersugaanngitsumik niueqatigiinnermik isumaqatiginninniarneq ingerlatileruttorpaat, nunanillu allanik nunat tamat akornanni niuernikkut isumaqatigiissutit amerlanerulernissaannik sulissuteqassallutik. Suliaq tamanna ingerlaavartuuvoq.

Inussiarnersumik inuulluaqqusillunga



Vivian Motzfeldt

Nunanut Allanut, Inuussutissarsiornermut Niuernermullu Naalackersuisoq